

l'Alcoran; le Prophete sera tesmoin contre vous au iour du Iugement, & vous serez tesmoins contre le peuple que le Prophete luy a presché le droit chemin, perseuerez en vos prieres, payez les decimes, & vous confiez en Dieu, il est vostre Seigneur & vostre Protecteur.

---

*LE CHAPITRE DES VRAI-  
croyans, contenant cent dix-huict versets,  
escriit à la Meque.*

**A**V nom de Dieu clement & misericordieux. Certainement les vray-croyans seront bien-heureux, ils font leurs oraisons avec humilité, ils s'abstiennent de medire, ils payent les dixmes, ils ne paillardent pas, ils ne touchent point d'autres femmes que les leurs & leurs esclaves; Ceux qui en conuoient d'autres sortent des bornes de la raison; Ceux qui conseruent fidellement ce qui leur a esté confié, ceux qui effectuent ce qu'ils ont promis, & ceux qui font leurs prieres au temps ordonné, seront heritiers du Paradis, où ils demeureront eternellement. Nous auons formé l'homme de la poussiere de la terre, de boüe, de sang congelé, d'un peu de chair & d'ossements que nous auons reuestu de peau, nous l'auons créé vne autrefois lors que nous luy auons inspiré l'ame dans le corps, & que nous

*Foy Ge-  
laldin.*

l'auons benit comme vn de nos plus beaux ouura-  
ges. O hommes vous mourez tous & ressuscitez  
au iour du Iugement, nous auons crée au dessus de  
vous sept Cieux, & auons soin de la cōseruation du  
peuple qui est dessous, nous enuoyons l'eau du Ciel  
à suffisance pour vos necessitez, nous la faisons tom-  
ber en terre, & auons le pouuoir de la faire passer &  
de vous en priuer; nous auons créé & fait produire  
des jardins, des palmiers, des raisins, & plusieurs  
autres fruiçts desquels vous vivez; nous auons créé  
des arbres en la montagne de Sinaï qui produisent  
de l'huile & de la teinture, vous receuez vn grand a-  
uantage des animaux, ils vous substentent de leur  
lait, & vous donnent plusieurs autres grands pro-  
fits, vous les montez & les nauires aussi pour vous  
porter où vous desirez aller. Nous auons enuoyé  
Noé qui a parlé au peuple & a dit; Adorez vn seul  
Dieu, quel autre Dieu implorerez-vous que luy?  
n'aurez-vous pas peur d'en adorer vn autre? Les  
principaux d'entre le peuple qui estoient des idola-  
tres, ont dit à leurs adherans; Cét homme est hom-  
me comme vous, il veut paroistre & estre estimé  
plus que vous, si Dieu vouloit estre adoré seul com-  
me il dit, il feroit descendre vn Ange qui porteroit  
ses commandemens, nous n'auons pas ouï dire à  
nos predecesseurs ce qu'il dit, c'est vn homme pos-  
sedé du Diable, attendez, vous verrez ce qu'il de-  
uiendra: Alors Noé a dit, Seigneur protege-moy  
cont'eux, & me garde de leurs blasphemés; Nous

luy auons commandé de bastir vne arche, lors que nostre commandement a esté donné d'exterminer les impies, & lors que l'eau de son chauderon a bouilly, nous luy auons commandé d'entrer dedans l'Arche avec deux bestes de toute sorte de genre & espece, tout le peuple a esté exterminé excepté ceux de qui nous auõs cy-deuant parlé (nous luy auõs dit.) Ne me parle pas des infidelles, ils seront submergez, lors que tu auras ordonné de tout ce qui doit entrer dans l'arche avec toy; Dis, louange soit à Dieu qui nous a deliuré de la malice des impies, Seigneur fais nous descendre en vn lieu benit, tu es le meilleur pilote du monde; C'estoit vn signe de ma toute-Puissance pour esprouer le peuple de Noé, nous auons apres luy créé vn autre peuple, à qui nous auons enuoyé vn Apostre pour luy enseigner d'adorer vn seul Dieu, & a dit; quel Dieu adorerez vous autre que Dieu? ne craindrez-vous pas sa colere? les Docteurs d'entr'eux qui estoient des impies, qui nioyent la resurreccion de la chair, & que nous auons gratifiés des biens de la terre, ont dit; il est homme, il boit & mange comme vous, si vous n'obeissez pas à vn homme semblable à vous, ferez vous perdus? vous promet-il de retourner au monde apres auoir esté os & poussiere? O abus, ô abus, vous estes abusez en ce qu'il vous promet, il est homme comme les autres, il est vn menteur, nous ne le croirons pas; cét Apostre a dit, Seigneur garde moy de leurs blasphemés, ils se repentiront

bien-toſt de leur impieté; alors le tonnerre les a ſurpris & les a exterminé comme ils l'auoient mérité, nous auons rendu la terre ſeiche & aride ſans fruit, & auons créé d'autres perſonnes en leur place; l'homme ne peut mourir auant ſon heure, & perſonne ne l'a peut retarder; Nous auons enuoyé nos Apoſtres & nos Prophetes pour inſtruire le peuple, mais ils ont eſté tuez les vns apres les autres, chaque nation a dementy ie Prophete que nous luy auons enuoyé, nous les auons fait ſeruir d'exemple à la poſterité, & auons exterminé les incredules. Nous auons enuoyé Moïſe & ſon frere Aaron vers Pharaon & ſes Docteurs avec nos miracles, & avec des raiſons tres-intelligibles, ils ſe ſont eſleuez contre la foy, ils ont tourmenté les enfans d'Iſraël, & ont dit, croirons-nous en vn homme ſemblable à nous, les gens duquel nous obeïſſent; il les ont dementy tous deux & ont eſté au nombre des gens perdus. Nous auons donné à Moïſe le liure de la loy, peut-eſtre qu'il conduira les enfans d'Iſraël au droict chemin. Nous auons créé Ieſus & Marie ſa mere, ils ſont ſignes de noſtre vnité, nous les auons établis en vn lieu eleué, où ils ſe ſont arreſtez auprez d'vne fontaine; O Apoſtres & Prophetes, mangez des fruits de la terre & faites bien, ie ſçay tout ce que vous faites, voſtre loy eſt vne ſeule loy, & ie ſuis ſeul voſtre Seigneur, prenez garde à vous, ne ſuiuez pas la loy des infidelles, chacun trouue bon ce qu'il fait, eſloignez-vous des impies, & les laiſſez

dans leurs erreurs, on leur demandera compte des richesses & des enfans que nous leur auons donnez, mais ils ne le cognoissent pas. Ceux qui craignent la punition du Seigneur; qui obeissent à ses commandemens; qui professent son vnité; qui font des aumosnes du bien qu'il leur a donné, & craignent en leur cœur qu'elles ne luy soient pas agreables, seront tous assemblez en sa presence; ceux qui luy obeiront jouiront de sa grace, il ne demande à personne que ce qu'elle peut faire. Nous auons vn liure qui dit la verité, il ne sera point fait d'injustice à celuy qui fera ce qu'il pourra. Certainement les infidelles sont dans l'ignorance de l'Alcoran, ils font tout autre chose que ce qui a esté ordonné aux vray-croyans, mais nous auons puny les principaux d'entr'eux dans leur prosperité. Ne faites pas aujourd'huy les resolus, vous ne serez pas protegez de nous. On vous a enseigné nos commandemens, neantmoins vous estes retournez sur vos pas, vous vous estes éleuez contre la foy, & la nuit en discourât vous vous estes retirez des gens de bien; Ne considerét-ils pas les paroles de (l'Alcorã?) cōtient-il quelque chose qui n'aye pas esté ordonnée à leurs predecesseurs? Ne cognoissentils pas le Prophete que Dieu leur a enuoyé? Pourquoi ne le veulét-ils pas recognoistre? diront-ils qu'il est possédé du Diable? au contraire, il leur enseigne la verité, neantmoins la plus grande partie d'entr'eux l'abhorrét, si leur volonté auoit lieu le Ciel & la Terre &

tout ce qui est entr'eux se broüilleroit, nous leur auõs enseigné la loy qu'ils doiuent obseruer, mais ils l'ont abjurée; Leur demande-tu quelque recompense de tes instructions? ton Seigneur t'en récompensera, il n'y a personne qui te puisse mieux récompenser que luy, appelle-les au droit chemin ceux qui ne croiront pas en la resurreccion seront deuoyez; Si nous leur pardonnons & si nous les deliurons d'affliction, ils demeureront tousiours dans leurs erreurs à leur confusion, nous les auons cy-deuant chastiez, neantmoins ils ne se sont pas humiliiez & n'ont pas imploré leur Seigneur, & lors que nous auons ouuert sur eux la porte de nos chastimens, il se sont desesperez. (Dieu) vous a donné la veuë, l'oüye & le sentiment, mais peu d'entre vous l'en remercient, c'est luy qui vous a créé de terre, vous ferez vn iour assemblez deuant luy pour estre jugez, c'est luy qui donne la vie & la mort, & qui fait la difference du iour & de la nuit, ne l'honorerez vous pas? ny penserez-vous pas? au contraire, ils ont dit comme leurs predecesseurs, doncques nous mourrons? nos os seront poussiere & nous resusciterons? cela a esté cy-deuant promis à nos peres & à nous, certainement ce n'est qu'une vieille chanfon; Dis leur, à qui appartient la terre, & tout ce qui est en terre, si vous cognoissez (son Createur & son Roy?) ils diront qu'elle est à Dieu; Dis leur, donc ne cognoissez-vous pas que celuy qui vous a créé vous peut faire resusciter? Qui est Seigneur

gneur des sept Cieux ? qui possède le Trofne du Ciel ? ils diront que c'est Dieu ; Dis leur , ne craignez-vous donc pas d'adorer vn autre Dieu que luy ? Dis leur , qui est Roy de toute chose ? qui soustient toute chose ? & qui n'est soustenu de personne ? dite-le si vous le sçauiez ? ils diront que c'est Dieu ; Dis leur , poutquoy vous trompez-vous donc ? Nous leur auons enseigné la verité , mais ils l'ont rejettee , & ont dit que Dieu a vn enfant ; S'il y auoit vn autre Dieu avec Dieu , l'vn defairoit ce que l'autre a fait , & s'éleueroiét l'vn contre l'autre , L'ouïé soit Dieu , ce qu'ils disent n'est pas veritable , Dieu sçait le passé , le present & le futur , il n'a point de compagnon ; Dis , Seigneur , fais moy voir l'effet de tout ce que tu leur a promis , & ne me mets pas entre les injustes , deliure-nous du mal , & nous donne du bien , ie cognois leur impieté ; Seigneur deliure-moy des tentations du Diable , deliure moy de leur malice ; Lors que quelqu'vn d'entr'eux est mort , il dit , Seigneur , permets-moy de retourner au monde , ie feray mieux que ie n'ay pas fait , Il n'y a point de retour c'est parler en vain , il y a vn obstacle derriere eux qui les arreste iusques au iour du Iugement , lors que la trompette sonnera rien ne les retardera , ils ne feront pas les glorieux ny les discoureurs les vns avec les autres , la balâce des bien-heureux sera pesante de bonnes œuures , & la balance des malheureux sera legere de bonnes œuures . Ne vous a t'on pas presché mes commandemens ? pourquoy les auez vous

mesprifez? Ils diront, Seigneur, nostre malheur a preualu sur nous, nous auons esté deuoyez, Seigneur deliure nous de cette misere, on nous auoit promis le contraire, veritablement nous auons tres-grand tort. On leur dira, esloignez-vous dans le feu, & ne parlez iamais d'en sortir. Plusieurs de ceux qui m'adorent, disent, Seigneur nous croyons en toy, pardonne-nous nos pechez, tu es tres-misericordieux: Vous vous estes moqué d'eux, ô impies, & auez mesprisés mes commandemens, mais ie les recompenseray de leur perseuerance, & feront bien-heureux. On dira aux resuscitez, combien d'années auez vous demeuré dans la terre? ils respondront, nous y auons demeuré vn iour, ou quelques iours; demandez-le aux Anges commis pour en tenir le compte, vous y auez demeuré fort peu de temps si vous le sçaez cognoistre, croyez-vous que ie vous aye créé & assemblé deuant moy inutilement, Loüe & exalte Dieu Roy de verité, il n'y a point de Dieu que luy, il est le Roy du Ciel, celuy est sans raison qui inuoque vn autre Dieu avec luy, il luy rendra compte de ses actions, & les infidelles seront tres-malheureux; Dis, Seigneur pardonne les pechez aux gens de bien, tu es le grand misericordieux.